

五洲三十年戰史

癸酉

作新社藏版

五洲三十年戰史
西曆

作新社藏版

古之兵家有言以戰止戰。未有能
止者也。天下無時不戰也。不戰則氣
弛。不戰則機停。不戰則生人之理
盡。故戰者所以鼓舞一世之人。成
之敗之滅之生之而不能已者也。

以德戰者昌以力戰者亡以謀戰
者強湯武之征誅戰以德也嬴項
之暴興戰以力也五霸七國之互
相雄長戰以謀也惜乎中國幾
千百年之戰場僅區九州而未

足以極戰之大觀也我乃觀於近
世之天下五洲交通羣雄角立古
今大戰之奇局哉興學則戰以
學傳教則戰以教通商則戰以
商勸工則戰以工金鼓行陣之戰

有形也而攘利侵權之戰為無
形割據併吞之戰有定也而公
法條約之戰為無定一國有事他
國羣起而謀之兩國相爭各國互
約而制之當局固戰旁觀亦戰破

壞固戰和平六戰，之術日益新
戰之禍日益烈而我中國且為眾
矢之所集矣鄙人間居踞蹐一室
而此心忤，若有千奇萬變之與
我相角者乃起而徬徨四顧始識

此身如在危舟狂飆呼空驚濤
震撼既以自危且為同舟者警
又不識操舟者之有以濟其危否
夫震危而不知則安知其危而求
安則戰既安而防其危則戰愈厲

獨奈何我國人之自以為安而伺
隙乘弊者且競露於危以相迫也
爰取萬國最近戰事蒐輯刪
改稍一條貫之起同治癸酉訖
光緒壬寅名曰五洲三十年戰史

固知繁蕪缺漏未免貽識者羞
而於近今時勢之變遷與各國
廢興存亡之故頗有以見其本末
四郊多壘大陸將沈鐘磬鼓聾
之聲發人思想者何限天下大

亂則大才生風雲雷雨倘亦有神
物起乎我國人士毋寢震酣嬉
於萬國戰場之中而不知警也
光緒二十有八年壬寅秋九月
蒲圻賀良樸自序

天地一戰場也古今一戰局也廿四
史一戰書也含戰而言史皆所
謂取其糟粕而遺其精神者
也治西史亦然公法也國憲也商
務也軍政也學術也皆戰事之

所以相推相激相乘相除組織而
成之發皇而大之者也十字軍興
而希臘文明之化廣乎破命兵
起而歐洲強霸之運新近紀以
來列強環峙智勇角戰事

蓋蓋迫矣然而政脩法立月異而
歲不同弱者進於強者進於尤
強互相淬厲駸然大同之象焉
其故可思也西人知之故上之所教
下之所學皆夢寐乎鋒鏑而

歌舞乎鼓鏡凡五洲萬國強弱消
長之迹下至婦孺皆能道之一方
有難一國爭約則不憚合全球
之力撙之議之繪之布之策係於
通報關於市昭然若數家計然

夫豈好事哉。你知夫大地之所以
愈又遷國家之所以安危。內政外
交之所以張弛。皆消息於斯。而
有不敢忽焉者也。姑就華事徵
之。如中東之役。拳匪之亂。蒙滿洲之

據西人士咸有述焉而吾國士大夫
乃問之而不能知：之而不能盡
者十蓋五六也若夫綜五洲之大
勢極列強之變狀迄今數十年來
其戰事什伯乎此者則更不可得